

**ESTRENO DI  
DOCUMENTAL, THE  
PRIME MINISTERS, NA  
CAS DI CULTURA**



**WWW.SOLODIPUEBLO.COM**



**SOLODIPUEBLO@GMAIL.COM**

**DOS VENEZOLANO CU A IMPORTA MAS DI 700  
KILO DI DROGA CONDENA NA 7 AÑA DI PRISON**

**UMM: A DETENE UN  
HOMBER DEN CASO  
DI TRAFICACION  
DI HENDE**



**MINISTER GEOFFREY  
WEVER SATISFECHO  
CU DESPUES DI 12  
AÑA A LOGRA FIRMA  
UN CAO NOBO NA  
POST ARUBA N.V.**



**COLEGIO PASTOOR  
KRAANWINKEL CU  
UN BUNITA PARADA  
CULTURAL**





# ESTRENO DI DOCUMENTAL, THE PRIME MINISTERS, NA CAS DI CULTURA



Oranjestad, Aruba – 14 di Maart 2025 – Ayera nochi, Cas di Cultura tabata anfitrión di e estreno exclusivo di un documental pionero cu ta profundisa den e bida y legadonan di e Prome Ministernan di Aruba desde cu e isla a haña su Status Aparte na 1986. E evento a conta cu presencia di Prome Minister di Aruba, oficialnan di gobierno y invitadonan, un momento significativo den e contamento di historia cultural di e isla.

E documental ta ofrece un bista raro riba e trayectonan personal y liderazgo di e Prome Ministernan di Aruba, pasando mas leu cu politica pa muestra nan dedicacion, retonan, y e impacto duradero cu nan a laga riba Aruba. Cu entrevistanan y perspectivanan




historico, e documental ta sirbi como un piesa educativo y inspirativo pa pone nos refleha riba e crecimiento di Aruba y e resiliencia di su lidernan.

E documental poderoso aki tabata un esfuerzo colaborativo di Stichting Klein Aruba, Omar Harms, Ken Wolff Productions, y Erin Croes, cada un contribuyendo cu nan experticio y pasion pa preserva e herencia politico di Aruba.

Despues di su estreno exitoso, e documental pronto lo ta disponibel pa publico wak. E fechanan y orarionan pa e proyeccionan lo wordo anuncia den e proximo dianan.

EN Premiere of Documentary, The



Prime Ministers, Held at Cas di Cultura

Oranjestad, Aruba – March 14, 2025 – Last night, Cas di Cultura hosted the exclusive premiere of a groundbreaking documentary that delves into the lives and legacies of Aruba’s Prime Ministers since the island gained its Status Aparte in 1986. The event was attended by Aruba’s Prime Ministers, government officials, and invited guests, marking a significant moment in the island’s cultural and historical storytelling.

The documentary offers a rare glimpse into the personal journeys and leadership of Aruba’s Prime Ministers, going beyond politics to showcase their dedication, challenges, and the lasting impact they have left on the island.



Featuring insightful interviews and historical perspectives, the film serves as an educational and inspirational piece, encouraging viewers to reflect on Aruba’s growth and the resilience of its leaders.

This powerful documentary was a collaborative effort by Stichting Klein Aruba, Omar Harms, Ken Wolff Productions, and Erin Croes, each contributing their expertise and passion for preserving Aruba’s political heritage.

Following its successful premiere, the documentary will soon be available for public viewing. The dates and times for screenings will be announced in the coming weeks.

## TURISTA A ACCIDENTA CU UTV ORA E NO A SIGUI INSTRUCCION DI E TOUR GUIDE

Diahuebs atardi a drenta informe di un accidente riba e caminda di “offroad” di Dos Playa pa Natural Bridge y cu nan ta hibando e victima cuidadosamente pa Natural Bridge, mesora a dirigi tanto polis como ambulans na e sitio. Na yegada di e patrulla na Natural Bridge a bin compronde cu aki ta trata di un turista riba un UTV kende no a sigui e instruccioannan di e tour

guide y a bay pasa na banda unda tabata tin un buraco y ora e UTV tabata riba 2 wiel ela primi brake y a kentel den banda y e turista a resulta herida na su pia. Na yegada di e ambulans nan a atende e turista y a transporte pa hospital mientras a hiba su casa cu un van di e compania mes pa hospital. E UTV mes a haya basta daño na e estructura cu ta sostene e dak.





# UMM: A DETENE UN HOMBER DEN CASO DI TRAFICACION DI HENDE

Diahuebs den oranan di mainta departamento di Unit Mensenhandel-Mensensmokkel (UMM) a haci un detencion den distrito di San Nicolas. Ta trata aki di un homber di origen haitiano den un caso andando di trafico di hende. E caso encuestion ta referi na explotacion sexual den sector di prostitucion na San

Nicolas.

Mirando cu e caso ta bao di investigacion no por duna mas detayes. No ta descarta cu lo por tin mas detencion den e proximo dianan nos dilanti.

Cuerpo Policial ta haci un apelacion na es cu sa algo, a mira algo, victima of testigo den cu un caso asina pa yama e tiplijn di

polis cu ta 11141.

UMM ta forma parti di Cuerpo Policial Aruba y ta pa combati traficacion di hende como tambe contrabanda di migrantenan. E departamento ta consisti di coleganan di Cuerpo Policial Aruba como tambe coleganan di Koninklijke Marechaussee



## MINISTER GEOFFREY WEVER SATISFECHO CU DESPUES DI 12 AÑA A LOGRA FIRMA UN CAO NOBO NA POST ARUBA N.V.



Despues di 12 aña Post Aruba N.V. y sindicato SEPPA a logra yega na e terminonan nobo di e acuerdo colectivo di empleo, un CAO. Diahuebs, 13 di maart, den presencia di e trahadonan, interim managers Sra. Esther Gomes y Sr. Ramoncito

Croes y hunto cu representante di sindicato SEPPA Sra. Magaly Brito a firma e acuerdo colectivo di empleo aki, y asina por cuminsa un etapa nobo den Post Aruba N.V. caminda lo enfoca riba mehoracion y obtenibilidad di servicio y unda ta salvaguardia



e derechonan di e empleadonan.

"E momento aki ta uno pa celebra!" Minister Geoffrey Wever a indica di ta contento cu por yega na e terminonan cu ta ambos aceptabel pa e trahadonan y financieramente prudente pa e compania su durabilidad y sobrevivencia.

"Nos sa di e cambionan cu mester den Post Aruba N.V., nos ta compromete pa sigui traha riba e progreso necesario, pa por tin un Post Aruba N.V. resiliente



riba su propio pia, y sostenibel pa e pan cu e ta provee cada trahado y nan famia."

"Un danki na e interim managers, na e Raad van Commissarissen, sindicato SEPPA, y especialmente

na tur e trahadonan pa tur a bini hunto pa sostene y asina logra e acuerdo colectivo aki. Nos ta mira padilanti pa un futuro mas briyante pa Post Aruba N.V., cu un rol mas prominente den Aruba su economia."





# Noticia di Corte

## DOS VENEZOLANO CU A IMPORTA MAS DI 700 KILO DI DROGA CONDENA NA 7 AÑA DI PRISON

– Awe mainta Hues a dicta sentencia den e caso penal contra e dos hombernan Venezolano, G.M.G. y A.C.I.

SOLO DI PUEBLO por a compronde cu Fiscal a exigi 8 aña di prison pa e dos Venezolanonan, pero Hues a baha e castigo na 7 aña di prison. SENTENCIA

Awe mainta Hues a bisa cu e ta haya cu A.C.I. a bay como guardia y G.M.G. tabata ayudante den e transporte di droga riba 8 Juni 2024. Hues ta haya nan complice di traficacion di droga.

Hues ta haya cu A.C.I. tambe ta responsabel pa e 3 revolvernan y balanan cu a haya scondi den e boto.

Hues a bisa cu ta 379 kilo di marihuana y 335 kilo di cocaina a importa. Droga ta forma un peliger pa salud di hende y tambe ta crea criminalidad. y esey ta un peliger pa salud di hende y ta fomenta criminalidad. En total a haya 379 kilo di marihuana y 335 kilo di cocaina.

Hues a bisa cu no ta tolera cu A.C.I. tabatin 3

arma di candela cu balanan.

Hues a muestra cu G.M.G. na 2023 a wordo condena caba pa transporte di droga. Esey ta haci cu G.M.G. ta un residivista di droga. Hues ta haya cu A.C.I. y G.M.G. mester haya e mesun castigo. Hues a condena A.C.I. y G.M.G. na 7 aña di prison, kitando e tempo cu nan ta sera den KIA. Tambe Hues a bisa cu e boto, pick up, motornan y trailer ta keda confisca.

## ARUBA BANK A CELEBRA DIA DI HIMNO Y BANDERA UN EXPERIENCIA UNICO PA COMUNIDAD Y CLIENTE



Oranjestad, 14 di maart, 2025 – Den cuadro di su celebracion di 100 aña y Dia di Himno y Bandera, Aruba Bank a celebra cu su clientenan y comunidad un experiencia dibertido y interactivo na tur su sucursalnan cu un “Photo Booth” special.

Durante e evento, un “Photo Booth” a wordo instala na tur sucursal di Aruba Bank, caminda tur bishitante por a saca un portret feliz cu famia, amigo, of colega den un ambiente tipico di Dia di Himno y Bandera y a ricibi e potret imprimi como recuerdo.

Participantenan cu a comparti nan portret via social media y uza e hashtagnan di e actividad special aki cual ta #Aruba



#NoStaCentennial  
#LetsCreateMemories a participapagana un premio special di Aruba Bank, un “Aruba Experience Tour”

pa 4 persona.

Aruba Bank ta desea nos comunidad un Feliz Dia di Himno y Bandera.



# DELEGACION DI ARUBA A YEGA NA CURACAO PA E WEGANAN INTERINSULAR 2025



E delegación di Aruba a yega 13 di maart Curacao pa participa den e Weganan Interinsular 2025. E prome

team a sali pa Curacao for di diahuebs mainta for di 8:00, mientras cu e ultimo team a yega 2:30 di atardi.

Tur atletenan y staf ta hospeda na Sirena Resort y Acoya Resort.

Pa prepara pa e competencia e deportenan ta bay tin nan training:

- Aquathlon – Kokomo Beach
  - Futbol y Schaak – Sentro Deportivo Kòrsou
- Esaki ta duna tur delegacion y deporte e oportunidad pa entrena na mes lugá unda nan lo competi durante e fin di



siman.

IBISA ta felicita y expresa gratitud na e staf y voluntarionan di FDDK pa

e excelente trato duna na nos delegacion.

## DIRECTIE NATUUR EN MILIEU LO TA CERA DIALUNA 17 Y DIAMARS 18 DI MAART EN CONEXION CU DIA NACIONAL HIMNO Y BANDERA 2025

ORANJESTAD - Den conexión cu celebracion y observacion di Aruba su dia nacional, 18 di maaart, dia di Aruba su Himno y Bandera 2025, DNM ta cera henter dia, dia 17 y 18 di maart venidero. Nos oficina na B v/d Veen Zeppenfeldtstraat #7 situa den e edificio monumental Uncle Louis Store na San Nicolas lo ta cera pa publico. Pa cualkier eventualidad por notifica nos via un mensahe riba nos plataforma di Facebook messenger @dnmaruba. Pa melding di urgencia tocante naturalesa y medio ambiente por

haci esaki via Polis y por pone un notificacion riba Fixi app. DNM ta habri bek riba diaranson 19 di maart di 7:30 mainta pa dilanti brindando su servicionan.

Tambe, DNM ta haci un yamada riba comunidad cu si ta desea di aporta na conservacion di nos naturalesa por haci uzo di un di e registronan riba nos website [www.dnmaruba.org](http://www.dnmaruba.org). Por registra matanan cu ta asina grandi cu por calificanan como mata monumental. A base di e registro,

nos por formula maneho pa mas proteccion. Tambe tin e registro di neishi di Shoco. Durante cu bo ta keiro rond, bo a topa cu un nesihi di shoco? Bo por registra esaki pa asina proteha e neishi.


Por ultimo, DNM ta boga pa un y tur tene nos Aruba limpi y liber di sushedad. E dia aki sali hunto den famia y amigonan pa admira nos isla y e logronan cu a haci cu nos por tin nos mesun identidad. Pabien, Aruba! DNM ta felicita pueblo di Aruba cu e dia aki. Feliz dia di Himno y Bandera 2025!



## ACCIDENTE CU HENDE HERIDA NA E BIRADA DI MEIVELD

Diahuebs anochi a drenta informe di un accidente cu hende herida na e birada di Meiveld, mesora a dirigi tanto polis como ambulans na e sitio. Na yegada di e patruxa a bin compronde cu aki ta

trata di un accidente entre 2 auto unda un a bay pega na e muraya di un cura y e otro a keda memey di caminda. Na yegada di e ambulans nan a atende e victimanan na e sitio mes.





Prome Minister Evelyn Wever-Croes:

# COLEGIO PASTOOR KRAANWINKEL CU UN BUNITA PARADA CULTURAL

"Organisando actividadnan cultural pa e muchanan na un edad jong, na unda nan ta goza, pasa pret, y wak atras riba un bunita experiencia, ta loke ta siña nan biba nos cultura, y na grandi nan lo sigui balor'e y bib'e."



ORANJESTAD - Diabierna mainta, den conexion cu Dia di Himno y Bandera, Colegio Pastoor Kraanwinkel a organisa un bunita parada cultural den e cayanan di Paradera. Prome Minister Evelyn Wever-Croes tabata presente pa asina admira y disfruta di e

bunitesa y creatividad cu e docente y alumnonan a desplega e mainta aki.

Prome Minister tabata sumamente impresiona pa mira cu tur klas a participa na e evento y na unda cada un a bin cu un diferente tema,

manera naturalesa, flora, fauna, monumento etc. E muchanan tabata hopi entusiasmo y tabata baila y goza hopi den e parada.

E mandatario a expresa cu e tipo di actividadnan asina ta netamente loke nos como adulto mester brinda nos muchanan, pa asina di trempan e muchanan cuminsa siña stima nos cultura. Manera Minister di Cultura Xiomara Maduro semper a bisa "Cultura bo tin cu bib'e", y organisando actividadnan cultural pa e muchanan na un edad jong, na unda nan ta goza, pasa pret, y wak atras riba un bunita experiencia, ta loke ta siña nan biba nos cultura, y na grandi nan lo sigui balor'e y bib'e.

Prome Minister ta felicita Colegio Pastoor Kraanwinkel cu e bunita iniciativa aki. Tambe ta felicita e cabesante, mayornan, y tur docente cu a traha hunto cu e muchanan pa haci e parada aki uno exitoso.





**Prome Minister Evelyn Wever-Croes:**

**Recordando e di 5 aña di Covid-19**

# **GOBIERNO DI ARUBA TA DUNA UN BUNITA RECONOCIMIENTO NA CRISISTEAM COMO GRADICIMIENTO PA TUR LOKE NAN A HACI DURANTE E PANDEMIA**



– Diahuebs mainta riba e di 5 aña di e pandemia mas grandi cu mundo a conoce Covid-19, Prome Minister Evelyn Wever-Croes a invita e comicion di crisis team pa un supuesto conferencia di prensa. E comicion aki ta consisti di señor Rino Hermans di Bureau Rampenbestrijding Aruba, señora Ronella Croes di Aruba Tourism Authority, señora Sharline Koolman cu ta consehero di Ministerio Social, y señora Vanessa Kock cu ta encarga cu e landenpakket y cu siguridad di frontera.

Na nan yegada na bestuurskantoor, nan a wordo ricibi pa Prome Minister den e sala di conseho di minister. E encuentro aki tabata uno hopi special na unda

hunto, nan a bay bek den tempo y recorda tur loke e pandemia aki a trece cune y e esfuerso cu esaki a rekeri di cada un di nan. Despues di a comparti un rato hunto recordando tur e momentonan bon y malo cu e pandemia aki a trece cune, Prome Minister a sorprende cada un di nan cu un reconocimiento, gradiciendo nan pa nan guia, dedicacion y trabou duro cu nan a eherce durante di e temporada di e pandemia.

Na nan turno, cada un di nan tambe a expresa palabranan di gradicimento.

## **Señor Rino Hermans**

Señor Rino Hermans a expresa di ta hopi agradeci cu reconocimiento aki cu ta simbolo di trabounan duro cu nan a haci pa saca Aruba mas lihe posibel di e situacion cu e pais tabata aden. Loke el a siña di e pandemia aki ta cu e pueblo aki ta resiliente y cu por unifica caminda cu mester pa ta exitoso. E ta gradici Prome Minister pa semper a kere den e capacidad y conocemento di e crisis team.

## **Señora Ronella Croes**

Señora Croes a remarca cu pa su persona e ta un honor di por comparti un rato cu otronan cu tambe a hunga un rol importante durante e pandemia y refleha riba e reto y logronan cu nan a sa di contra aresta exitosamente. Tambe el a expresa cu di su banda nan ta hopi agradecido y orguyoso di locual Aruba a desplega

internacional y local.

## **Señora Sharline Koolman**

Señora Koolman a tuma e oportunidad di gradici Prome Minister pa su guia y sosten durante e crisis aki. El a indica cu e proceso no tabata uno facil pero na un manera hopi profesional nan por a deal cu otro. Tambe el a expresa cu Prome Minister semper a para nan tras y a sigui e consehonan cu nan tabata dun'e y danki na su sosten Aruba por a sali di e situacion aki di e miho manera.

## **Señora Vanessa Kock**

Señora Kock a tuma e oportunidad di gradici tur e profesionalnan cu ta of a forma parti di e crisisteam. Durante e crisis aki, cada un a muestra nan profesionalismo pa asina bou guia di Prome Minister hunto por a yega na un resultado positivo pa pais Aruba. El a gradici Prome Minister pa e reconocimiento y pa semper a sostene y confia den nan conocemento y vision durante e pandemia aki.

Prome Minister a gradici cada un di nan pa semper tabata disponibel durante e momentonan dificil di e pandemia, pa tur nan consehonan cu no tur ora tabata esunnan di mas facil, y pa nan guia y sosten na su persona.

Despues di e reconocimiento aki, señor Rino Hermans como cabes di e crisisteam tambe a entrega



Prome Minister un reconocimiento pa gradici'e pa tur locual el a haci pa e comunidad di Aruba y e pais en general. El a indica cu e decisionnan cu Prome Minister mester a tuma no tabata facil, e caminda cu e mester a cana tabata tin hopi reto, pero danki na e amor grandi cu e tin pa pais Aruba, tur su esfuerso y dedicacion awe tin su fruto.

Pa pueblo di Aruba y mundo henter e pandemia aki a trece cune hopi inkietud, pero danki na Prome Minister Evelyn Wever-Croes cu a traha dia y anochi pa bienestar di pueblo, e guia profesional di e comicion di crisisteam, y e sosten di comunidad completo, awe Aruba ta progresando den un pais mas fuerte y resiliente.



# Prome Minister Evelyn Wever-Croes: Den cuadro di celebracion di nos Dia Nacional, **PROME MINISTER A BISHITA PRINSES AMALIA BASIS SCHOOL**

## “Muchanan a canta Himno di Aruba “uit volle borst”



– Ya faltando poco dia pa e celebracion di nos Dia di Himno y Bandera, Prome Minister Evelyn

Wever-Croes a sigui cu su bishitanan cerca varios scol na Aruba. Un custumber cu semper

ta yena Prome Minister cu alegria y emocion. Diabierna mainta, den compania di Minister di Cultura, Xiomara Maduro, nan a bishita Prinses Amalia Basis School.

Na yegada di Prome Minister hunto y Minister Xiomara Maduro nan por a presencia con e muchanan cu hopi entusiasmo y “uit volle borst”, a canta nos dushi himno Aruba Dushi Tera y a hisa nos bandera. “Un bunita momento cu ta yenabo cu emocion pa mira con e scolnan ta inculca e amor pa nos himno y nos bandera den nos muchanan”, Prome Minister a expresa.

Despues e dos mandatarionan a bishita alumnonan di klas 5 y 6 pa aprecia con e muchanan ta prepara pa e dia importante aki y combersando cu nan, por a mira cu nan ta carga celebracion di nos Himno y Bandera den nan curason. E mandatarionan a interactua na un manera hopi ameno cu e muchanan contando storia y haciendo preguntanan riba nos Dia Nacional.

Prome Minister a gradici Cabesante Roelien y su ekipo di maestronan pa e bunita recepcion, pero specialmente pa planta e simiya den e curason di e muchanan y asina



nan desaroya e amor pa nos himno, nos bandera y pa Aruba. Asina ora nan ta adulto, nan lo ta

embahadornan digno di Aruba unda cu nan bay.



# MINISTER MADURO DI CULTURA TA FELICITA POETA DI PATRIA SR. JOHN FREDDY MONTOYA



E celebracion di Dia di Himno y Bandera a inicia diaranson anochi cu e bunita evento “Poeta di Patria,” den cual 16 participante a declaman poema dedica na nos dushi Pais Aruba.

Comision Celebracion Dianan Nacional (CCDN), Departamento di Cultura Aruba (DCA) hunto cu Comision Arte di Palabra y Fundacion Corector di Papiamento, tabata encarga cu e competencia pa nombra e di 12 “Poeta di Patria” di nos Pais, cual evento ta un iniciativa di Sr. Atan Lee den feliz memoria.

Minister Maduro tabata presente pa asina por a felicita sr. John Freddy Montoya kende a keda nombra como Aruba su “Poeta di Patria” cu su bunita poema titula “Activa.” E mandatario di cultura ta felicita tur participante specialmente e finalistanan, Aurelia Croes, Gila Croes y Dominico Werleman.





# Celebra Dia di Himno y Bandera na Centro di Bario Savaneta



Diamars 18 di maart, Centro di Bario Savaneta ta invita bo pa su actividad pa celebra nos Himno y Bandera. E actividad ta cuminsa desde 10or di mainta te cu 6or di atardi. Un dia yena cu entretenimento, baile, canto pa deleita tur esnan presente.

Tambe nos lo tin un mini bazaar cu diferente productonan local, manera artesanía, cos dushi y mucho mas, show di cabay y weganan popular pa grandi y chikito cu semper ta trece e ambiente competitivo y animacion. Nos bar y cushina tambe lo ta bon surti. E cushina lo tin dushi cuminda crioyo, sopi, johnny cake y mucho mas.

Meta di e actividad ta pa promove semper nos cultura y tradicionnan como tambe recauda

fondo pa por inverti den e edificio y veld deportivo di Centro di Bario Savaneta. Nos ta invita un y tur pa pasa bishita nos 18 di maart y pasa un rato ameno den compania di bo famia, amistadnan y conocirnan.

Centro di Bario Savaneta ta un centro di recreacion y comunidad unda cu grandi y chikito por bini hunto pa promove e desaroyo mental, social y fisico. Like nos pagina di Facebook y keda al tanto di e diferente actividadnan cu nos ta ofrece durante henter aña pa henter comunidad di Aruba, en particular esnan di Savaneta y besindario.

**PUEBLO A HAÑA SU PEN BEK**

Pa kualkier informacion  
solodipueblo@gmail.com  
of  
585-9500



## CELEBRACION

### *Dia di Himno y Bandera*

📅 Diamars 18 di maart 2025

🕒 10.00 AM - 6.00 PM

📍 Centro di Bario Savaneta



*Bin celebra nos Cultura, Musica y Dushi Cuminda*

#### Weganan Popular

Pa adulto y mucha

#### Gruponan di Baile

Dazzling Dancers, Grupo Baile Nos Cultura

#### Mini Bazaar

Cu diferente producto local

#### Entretenimento

Caha di Orgel Mi Amor, Brayden Elisabeth, Endrick Pannefle, Tipico Nos Herencia, Tipico Pegasaya, Tipico Tradicion Musical y Dj Aldrick

#### Show di Cabay

Grupo Caballista

#### Koffiemorgen

10.00 - 11.00 AM





# ATENCION STUDIANTE CU TA INTERESA DEN UN CARERA DEN HOSPITAL: HOH CU OPENDAG PA E FUTURO PROFESIONALNAN



na e studiantenan y futuro profesionalnan. Meta di e open dag ta pe generacion nobo conoce HOH y e variedad di profesion cu tin y alabes fomenta interes bou di e hobennan pa sigui nan estudio den e ramo di cuida of un funcion cu ta aporta na cuida medico. Si acaso bo tin interes pa studia cualkier profesion den e mundo medico, of ta interesa pa sa mas di e funcionnan cu ta brinda aporte na e medico of nurse no perde e oportunidad aki.

Lo tin mas di 10 booth disponibel cla pa brinda informacion na tur esnan cu bishita e opendag. Entre esnan presente lo tin un team di nurse, team di dokter, nutricionista, team di medisch elektronica y mas pa brinda informacion na tur estudiante.

Ademas lo tin diferente tour den hospital mes sea ta den sala di operacion, sala di radiologia y sala di dialyse, functiekamer y mas pa bishita y mira di cerca. Tambe lo tin diferente demostracion y e estudiante lo tin e oportunidad pa ta den e sapatonan di e profesional.



Inspira, motiva y atrae hoben ta e meta tras di e opendag organisa pa di tres aña consecutivo door di Horacio Oduber Hospital (HOH). Di e forma aki ta ofrece nos hobennan cu ta interesa pa sigui den e ramo di cuida medico e oportunidad pa por forma un carera impresionante y bon paga, cu tremendo beneficio, den

nos hospital. Mester tene cuenta cu tin oportunidad pa hopi funcion cu no ta solamente dokter y nurse so, pues pensa riba dietista, technische dienst, administartie y mas.

E team di HOH conhuntamente cu e team di HOH Academy ta invita un y tur pa pasa diasabra



22 di maart for di 9'or di mainta te cu 1'or di atardi na HOH Academy. Ta importante pa tene na cuenta cu e localidad no ta na HOH mes sino un edificio cerca di Hospital. E localidad ta HOH Academy cu ta situa na Caya Dr. J.E.M. Arends #2.

Charlaine Huntington, Manager di comunicacion y mercadeo na HOH, a splica cu e opendag aki a cuminsa chikito, sin spera e acogida cu el a haya den comunidad. Esaki ta e di tres aña cu HOH ta habri su portanan y yama bonbini

Invitacion ta bay di e team cu semper t'ey pa tur hoben, scolnan secundario y mayornan pa stimula hobennan interesa pa asisti na e open dag na HOH y asina haya e un idea kico por bay sigui studia den e ramo di hospital.



# Miss Teen Aruba International ta cla pa su temporada 2025



GLW Foundation ta den pleno preparacion pa Miss Teen Aruba International 2025. E aña aki celebrando 16 aña di eleccion unda cu durante añanan Miss Teen Aruba International a sa di demostra cu e comision ta traha den e mihor formacion di e candidatanan y e logronan durante e ultimo 18 aña nan aki cu George Winterdaal como Presidente ta e prueba di e trabou cu e candidatanan. Paisnan unda e candidatanan a bai ta Rep. Dominicana, Panama, El Salvador,

Bahamas, Guatemala, Costa Rica, Nicaragua, Honduras, Colombia, Bulgaria, Puerto Rico y mas. Desde cu George a tuma e presidencia di Miss Teen Aruba y despues Miss Teen Aruba International a usa e lema "Algo mas cu un certamen di beyeza" y tur aña ta organiza diferente proyectonan.

GLW Foundation ta haci e.o. Cupcake di Speranza, Un man pa nos ruman, Feed the Kids y tambe un sin fin di actividadnan caritativo cu e candidatanan. E comision organisador ta sigur prepara e candidata cu tur equipo necesario pa asina por yude den su desaroyo pa futuro. Hopi candidatanan di Miss Teen Aruba International despues a sigui participa den otro Plataformanan manera Reina Hispanoamericana, Miss International, Miss World y Miss Universe. Bo tambe kier participa ?

Wel ta masha facil?

E aña aki GLW Foundation a haci algun cambio masha interesante.

Bo tin e edad di 15 pa 19 aña? Bo tin gana di biba un experiencia unico? Bo kier representa Aruba na nivel international? Bo kier amplia bo conocimiento general y siña mucho mas di varios topico. Wel esaki ta bo oportunidad pa participa. Gastonan ?

Hopi biaha e preocupacion di Mayornan ta e gastonan halto cu no nesesariamente ta asina, Mirando e situacion comishon organisador e aña aki lo cobra un suma masha atractivo cu lo cubri basicamente tur gasto di a candidata pa e eleccion official. Mayornan ta paga un solo package cu lo inclui e inscripcion di e candidata, trahe di baño pa anochi final, Trahe di Baile di apertura, Trahe pa Entrevista cu Hurado, Sapato pa anochi final, Trahe di Gala ( diferente diseño ) pa anochi final, Tshirt Uniform pa e temporada )

Si cualkier mayor ta desea mas informacion por yama libremente George Winterdaal na 5616151. Final di Miss Teen Aruba International lo tuma lugar den luna di July 2025.

GLW Foundation a prepara un agenda di actividadnan creativo, social y educativo masha great mes cu hopi eventonan unda nan lo siña hopi pero tambe lo have fun y disfruta di e temporada 2025.

Nos ta desea GLW Foundation tur clase di exito pa e temporadanobo



di Miss Teen Aruba International.

Bo ta desea di representa Aruba na nivel international, no duda mas y yama awe mes pa mas informacion na 5616151.

GLW Foundation ta masha contento cu e exitonan international di nos representantenan den 2024 y 2025.

- Emily Anne Andrews MTAI 2023 ( Top 12 Miss Teen Grand Universe 2024 y Best Smile )

- Eimy Contreras 1st Runner Up MTAI 2023 ( Miss Teen Turismo Mundial 2024 )

- Kaisey Anne Kock 2nd Runner Up MTAI 2023 ( Miss Teen

Caribbean Of The Nation 2024 )

- Gilary Carvillo Top 5 MTAI 2023 ( 1st Runner Up Miss Turismo Mundial 2024 )

- Jaidyleen Tromp MTAI 2024 ( Vi Reina Nuestra Belleza 2024 )

- Darienne Lampe candidata 2024 ( 3rd Runner Up Miss Teen Princess International 2024 )

Miss Teen Aruba International ta mas cu un certamen di belleza, nos comision ta enfoca riba duna seminarionan pa nos candidatanan ta mas confia den nan mes, eleva nan autoestima y yudanan crece den varios ambicionnan den bida pa nan futuro.



# Fiesta Arubiano na Centro di Bario Noord, 18 di maart Dia di Himno y Bandera 2025

Di 12:00 pa 5:30 pm e patio di CBN lo ta yena di ambiente!

Un biaha mas Centro di Bario Noord ta organisa Fiesta Arubiano pa celebra nos Dia di Himno y Bandera. Alabes lo entrega Premio Meneer Ovito Tromp na un voluntario cu a aporta grandemente na desaroyo di nos dushi distrito di Noord.

Nos patio lo ta yena cu ambiente patriotico brindando pueblo completo un actividad pa celebra nos dia nacional.

E ambiente ta cuminsa for di 12'or di merdia y nos lo sigui celebra te cu 5:30 di atardi.

Lo tin tent di cuminda crioyo y boca dushi y nos bar lo ta bon surti. Lo tin presentacion di gruponan di baile, cantantnan y poemanan. Pa e muchanan lo tin un dino jump y un tent apesiaal.

E aña aki un biaha mas lo entrega Premio meneer Ovito Tromp p'asina

reconoce un persona cu boluntariamente a ofrece su tempo pa yuda engrandece nos distrito na un of otro manera pa 10 aña of mas.

Pa termina CBN a desea Aruba completo un Feliz Dia di Himno y Bandera y nos ta warda boso pa bin celebra hunto cu nos na CBN. Nos lo percura pa e ambiente....ta keda na abo pa bin cu yen di zjeito pa



**FIESTA ARUBIANO**

**18 MAART 2025**

**SHOW DI BAILE  
DECLAMACION DI POEMA  
GANADORNAN DI FESTIVAL  
HUKI PA NOS MICHANAN  
TENTNAN DI CUMINDA  
Y BOCA DUSHI  
BAR BON SORTI**

**Orario:  
12:00 - 5:30**

## Poema dedica na Poeta di Patria



Minister Maduro di Cultura a declama un poema como aprecio na tur participante, hurado y Comicion Celebracion Dianan Nacional cu ta engrandece e evento "Poeta di Patria"

E celebracion di Dia di

Himno y Bandera dia 18 di maart proximo a cuminsa cu e evento "Poeta di Patria" cu a tuma luga diaranson anochi na Fort Zoutman. Pa e 12 edicion di "Poeta di Patria," un total di 16 participante a declama nan amor patrio den nan poema dedica na

nos dushi Pais Aruba.

Minister Maduro di Cultura a hiba palabra na inicio pa desea suerte y gradici tur e participantenan pa nan amor expresa pa Aruba den cada poema. E mandatario a gradici tambe e huradonan pa nan tempo y experticio brinda pa haci "Poeta di Patria" un exito cada aña despues cu sr. Atan Lee den feliz memoria a forma e fundeshi pa e evento unico aki.

Como muestra di aprecio na e participantenan, hurado y Comicion Celebracion Dianan Nacional cu ta haci e evento "Poeta di Patria" aki cada bes mas special, Minister Maduro a dedica y declama un poema di propio inspiracion.

E mandatario a expresa cu aunke e no ta poeta, durante tur e añanan, e evento "Poeta di Patria" a sirbi di inspiracion pa scirbi e poema "Aruba, nos baranca tan stima."

### Aruba, nos baranca tan stima

Solo ta briya bo  
Luna ta ilumina bo  
Lama ta rondona bo  
Y biento ta caricia bo

Aruba, esta un dushi tera bo ta  
Un baranca fuerte y resiliente  
Un luga Bendiciona

Dichoso nos ta, tur cu ta habita bo  
Bo ta un isla di encanto  
Cu ta namora tur cu ta bishita bo

Aruba, cuna venera  
Dushi tera yena cu flor di libertad  
Aruba, nos baranca tan stima

## "Tin" Dushi - CALA y un BAZAAR

18 Maart 2025.  
10.30 Am - 2 Pm  
R.B 72 A.  
( Tel: 593-6498)



# E DIES MANDAMENTONAN DI DIOS PA TEMPORADA DI CUARESMA (CONFESION)

1. Stima y adora bo Senyor y bo Dios di henter bo curason, di henter bo alma, di henter bo sentir, di henter bo ser y mas cu tur cos di mundo y stima bo prohimo manera bo mes.

Akinan nos mester stima Dios mas cu nos mes y mas cu nos famianan.

Den e Ley di Dios aki ta prohibi nos di kere y di participa, den bruheria, den medium, den diosnan falso, den organisacionnan satanico, den illuminatienan, den reiki, den reincarnacion, den pactonan satanico, den hypnotismo, den horoscopo, den yoga, den quija board, no pone tatuahenan riba curpa, no marka e 666 riba curpa y no pone e microchip den bo curpa etc. E mesun ley di Dios ta bisa tambe, di stima bo prohimo manera bo mes. Akinan

nos mester stima tambe e pobernan, e chollernan, e drogadictonan, e handicapnan, esnan mentalmente malo, bo enemigonan, esnan di tur rasa y religion. Pero nos no mester stima nan pikanan y nan errornan cu nan ta biba aden.

2. No usa e nomber di Dios sin mester. No menciona e nomber di Dios den bo dichonan y jokenan bulgar, den bo palabranan di blasfemia, den bo palabranan malo etc.

3. Santifica dia di Senyor. E dia di santificacion ta riba Diadomingo dia cu Cristo-Hesus a resucita. Diadomingo ta dia di descanso y e no ta un dia di traha den trabao. Diadomingo ta un dia di famia na unda tata y mama

ta tuma tempo pa nan yiunan y tambe di bishita famianan. Diadomingo ta dia di Senyor na unda tur hende ta bai Misa, pa Santifica Dios Su dia den e Santa Eucaristia. Akinan nos ta sigi recorda Cristo Hesus Su Pasion, Su Sufrimento, Su Agonia y Su Morto na Crus te dia E bolbe bini. Den e Santa Eucaristia nos ta ricibi E Curpa y E Sanger di Cristo-Hesus pa nos por tin bida eterna. Lucas 22: 19/20, Huan 6: 53/54. Bai Misa riba Diadomingo ta obligatorio.

4. Honra bo tata y bo mama. Dios kier pa nos obedece nos tata y mama, pasobra Dios ta conseha nos y spierta nos pa medio di tata y mama. Yiunan cu ta tende y ta obedece nan tata y mama, nan lo haya e pas y e Felicidad den nan bida, den nan matrimonio y den nan famia. Yiunan soberbia cu no ta honra nan tata y mama, nan bida lo bira desaregla y nan matrimonio lo fracasa. Yiunan, cuida boso tata y boso mama te dia cu Dios yamanan.

5. No mata. Akinan nos mester respeta bida di tur ser humano. Ta Dios tin nos destino den Su man, pa nos laga e mundo aki. No comete crimen, no comete suicidio, no comete abortus, no comete euthanasia.

6. No comete adulterio. Dios ta uni e pareha den un solo curpa den e Sacramento di Matrimonio den Misa y Dios no ta reconoce divorcio, Marco

10: 6-9. Na esnan cu a divorcia y ta bay biba cu otro persona, nan ta comete e pika di adulterio, Mateo 5: 31/32. Cristo-Hesus ta bisa, cu ningun di esnan cu ta comete e pika di adulterio, nan lo no drenta den e Reino di Dios, 1Corinthionan 6: 9/10.

7. No horta. Akinan nos mester respeta propiedadnan di otro, pasobra ta Dios ta duna nos tur loke cu nos tin mester pa biba. Esnan cu a horta y ta debe otro, nan lo paga nan debenan den purgatorio despues di morto.

8. No lanta falso testimonio riba bo prohimo. Ganjamento y haci redonan falso ta un pika grandi. No instiga otro cu rabia riba otro, no yena otro cu falsedad y odio, no tuma consejo di personanan pecador y desvia.

9. No comete e pika di fornicacion y e pika di deshonesto. E pika di fornicacion ta e relacion sexual prohibi pa Dios, cu ta e pika di curpa. Esaki ta esnan cu ta haci relacion den libertinahe sexual, esnan cu ta biba companja, esnan cu ta casa pa Raad so, e prostitutanen y tur relacion sexual pafor di e Sacramento di Matrimonio, ta condenabel. Den 1 Corinthionan 6: 9 / 10, Cristo Hesus ta avisa, cu ningun di esnan den fornicacion, nan lo no drenta den e Reino di Dios. E pika di deshonesto y di inmoralidad, ta e hombernan cu a kita nan tradicion natural pa bira homosexual y e muhernan cu a cambia nan tradicion natural pa bira lesbiana.

Muhernan a cambia nan tradicion natural pa esnan contra naturalesa.

Mescos hombernan a kita nan tradicion natural cu muher y a inflama nan mes den e pasion cu homber, den oral y anal sex. Tambe, e hombernan cu ta masturba y ta usa condom pa benta nan spermanan afo, ta wordo condena. Muhernan cu ta usa tur sorto di anticonceptivonan, pa no sali na estado, ta wordo condena. Den Bijbel Genesis 38: 6-10, Dios Tata a kita bida di Onan, pasobra Onan tabata benta su spermanan afo. Tur sorto di anticonceptivonan a wordo crea pa satanas pa stop Dios Su autoridad di procreacion humano. Romanonan 1: 26/27, Levitico 18: 22, Levitico 20: 13.

Den 1 Corinthionan 6: 9/10, Cristo Hesus ta avisa, cu ningun di esnan cu ta comete e pika di deshonestidad y e pika di inmoralidad, nan lo no drenta den e Reino di Dios.

10. No codicia cos di otro hende.

No codicia loke cu no ta di bo. No codicia e muher di otro, no codicia e homber di otro, no codicia su propiedad, no codicia su beneficienan. No sea envidioso, no sea avaricia, no sea soberbia y no sea lujuria.

Seferino Tromp  
Koyari 13-D Cell. 5931157 / 5870048  
Id. 57.11.22.40  
E-mail: etajuni@yahoo.com

**Pa Orashion prome  
cu entiero  
ESTA VIGILIA  
y orashion despues  
di entiero esta  
OCHO DIA  
por jama  
Atanasio Bremo**

**Cel. 569 2763  
of 568 6141**

**SEMPER NA BO ORDO**



**Clasificados**





**SOLODIPUEBLO@GMAIL.COM**  
**CEL.585 9500**





Prome Minister Evelyn Wever-Croes:

# Siguiendo cu e tradicion relaciona cu dia di Himno y Bandera, **ALUMNONAN DI ST. FRANCISCUS COLLEGE A RICIBI BISHITA DI PROME MINISTER**

ORANJESTAD – Durante e dianan aki, prome cu e fecha di celebracion di Dia di Himno y Bandera, Prome Minister Evelyn Wever-Croes ta bishitando varios scol rond Aruba pa mira con cada un ta preparando pa e dia grandi aki. Diahuebs 13 di maart, riba e prome dia, Prome Minister acompaña pa Minister di Cultura, Xiomara Maduro a bishita St. Fransiscus College na Playa, klas 4 y 5. Na su yegada, e mandatarionan a wordo ricibi pa Cabesante Nadine Kiringdongo hunto cu alumnonan feliz cu a haci entrega di un bouquet di flor na e dos ministernan.

Prome Minister por a presencia obranan den miniatura di monumentonan di Aruba, cu ta un di e temanan di e scol su proximo exposicion. Ta trata di obranan masha bunita crea pa alumnonan hunto cu nan famia. E mandatario a keda impresiona cu un di e

monumentonan cu ta trata un replica den miniatura di Kapel di Alto Vista. E obra aki ta asina detaya cu por wak e parti di paden di e Kapel unda por wak e bankinan y hasta un imagen di Mama Maria.

Echonan asina ta refleha con e scol ta pone enfasis riba e importancia di

cultura y historia di Aruba y desde un edad jong, ta inculca e amor pa Aruba den nos muchanan. Prome Minister a termina gradiciendo cabesante Nadine Kiringdongo y

henter su ekipo di maestro pa nan enseñansanan na e muchanan y pa e oportunidad di por a combersa un rato cu e muchanan. “Akinan e muchanan

ta bon prepara pa e celebracion y mayan nan ta bay tin un exposicion masha bunita y desde awe mi ta desea nan un feliz Dia di Himno y Bandera”, Prome Minister a expresa.





# SUDOKU

		8		3		5	4	
3			4		7	9		
4	1				8			2
	4	3	5		2		6	
5								8
	6		3		9	4	1	
1			8				2	7
		5	6		3			4
	2	9		7		8		

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

							3	9
	8							5
		9		6		8		
		5		9				6
7								
		8	4		6			
		3		8			5	
	2		7			6		
4						1		

# BARCA vs REAL: THE DOMINO CHALLENGE!

Calabas/Kudawecha - Si shonnan, e ta confirma! Diasabra awor, 14 di maart, cuminsando pa 8'or di anochi, e unico y mundialmente famoso Domino Square Garden, situa net n'e grens entre Calabas y Kudawecha, lo presenta e tan spera "Clasico" den domino entre e fanaticonan di Barca contra esnan di Real Madrid! Shonnan, un ta cos di perde! Un sambombaso unico! Ta caba den "wandelgangen" tin papia cu ta bay tin cumpramento di referee, y cu esnan interesa por acudi na e website cumpraboreferee. com pa mas informacion! Fanaticada di Barca kiermen cu ta asina so Real por gana nan, mientras cu fanaticada di Real kiermen cu pakico cumpra referee si nan popchi Real di voodoo por pone ken cu nan kier

"slip"! Shonnan, manera nan ta bisa na Hulandes: "de spanning stijgt ten top"! Ya caba tin un tension di corta rosea e ultimo simannan aki, y tin rumornan pisa ta core rond cu entre ambos grupo di fanatico tabata tin un bulamento di cura pio cu hordenloopen den weganan olimpico! E lista di integrantenan di ambos team ta impresionante! Demasiado pa bay nombra tur den e relato aki, pero asina mes nos a logra capta algun. Pa Real lo ta bay tin entro otro nada menos cu Tony Trimon, Andy, Pachi, Roy Sneek, Ronny, Obispo, y "Da Big Boss" Yoyo! Pa Barca tin entendi cu Dago, Tico, Ditto, Michel, Rutsel, Glenn, y nada menos cu Indio lo t'ey den nan militancia! Shonnan, bini un bini tur, diasabra awor 14 di



maart cuminsando pa 8'or di anochi, p'e candeloso encuentro entre TEAM BARCA vs TEAM REAL, aya n'e unico palacio di domino, e mundialmente conocido Domino Square Garden. Manera di custumeb, entrada ta completamente gratis pa pueblo en general, y pasapalanan lo skeiro rond completamente por nada durante halftime! Yegaaaa!



# Oracion di dia

## Un feliz dia bendiciona yena cu gracia di Dios

"Lo Bo ta sacerdote pa semper na e mesun manera cu Melkisedec."  
(Hebreunan 7, 17b)

Ruman aki nos ta mira Hesus cu e titulo Sacerdote/Rey di Husticia pa semper, bunita titulo pa Hesus aunke Hesus no mester di ningun introduccion of titulo paso E ta Dios y Dios ta Amor. Asina mes den Hesus nos por experencia Amor, E Amor Unico cu nos tur ta anhela consciente y inconscientemente nos tur ta anhela di experencia E Amor di Dios.

Ta difcil pa esey sosode? Ta bon pa nos sa cu tur cos ta depende di con habri nos curason ta pa Hesus y con nos ta permiti Spirito Santo move den nos.

Diadomingo nos a scucha cu nos tin e donnan y awor ta keda nos nada mas cu resa y pidi Spirito Santo habri nos curason pa nos experencia y pone e donnan den practica y asina acepta y cumpli cu Dios su boluntad den nos bida y nos biba!

Oracion:Hesus mare nos tur por reconece cu Abo ta nos Rey di Husticia y acerca Bo curason misericordioso pa nos salvacion.  
Amen